

三才圖會

三才圖會

雲間元明父王思義續集

草木一卷

草類

黃精

菖蒲

人參

天門冬

甘草

地黃

朮

菟絲子

牛膝

芫薺子

萎蕤

防葵

柴胡

麥門冬

獨活 羌活

升麻

車前子

木香

薯蕷

澤瀉

丹參

遠志

龍膽草

細辛

石斛

巴戟

白蒿

赤箭

菴蘭子

蒜薹

蒼實

卷柏

藍實

芫薺

黃蓮

絡石

疾藜子

黃耆

肉蓯蓉

防風

蒲黃

續斷

漏蘆

精 黃



黃精

黃精生山谷南北皆有之高山茅山者爲佳三月生苗高一二尺以上葉如竹葉而短兩兩相對莖梗柔脆頗似柅枝本黃末赤四月開細青白花如小荳花狀子白如黍亦有無子者根如嫩生薑黃色二月採根蒸過暴乾用一名委蕤一名仙人餘糧一名苟格一名菟竹一名垂珠一名馬箭一名白及又一名雞格一名救窮一名鹿竹一名重樓又俗名筆管菜味甘平無毒主補中益氣除風濕安五藏久服輕身延年

蒲

筍



三才圖會卷之五十一
三
菖蒲

菖蒲生上洛池澤及蜀郡嚴道今處處有之而池州戎州者佳青葉長一二尺許其葉中心有脊狀如劍無花實五月十二月採根陰乾今以五月五日收之其根盤屈有節狀如馬鞭大一根傍引三四根傍根節尤密一寸九節者佳亦有一寸十二節者採之初虛軟曝乾方堅實拆之中心色微赤嚼之辛香少滓人多植于乾燥砂石中臘月移之尤易活一名昌陽味辛溫久風濕痺用

參

人



人參生上黨山谷及遼東河東諸州泰山皆有之又有河北淮揚及閩中來者名新羅人參然俱不及上黨者佳其根形狀如防風而潤實春生苗三月四月有花細小如粟葉如絲紫白色秋後結子根如人形者神泰山出者葉鮮青根白殊別江淮出一種土人參葉如匙而小與桔梗相似味極甘美相傳欲試上黨人參者當使二人同走與一人參含之一不與度走三五里許其不含人參者必大喘含者氣息自如者其人參乃真也一各人銜一名鬼蓋一名神草一名人微一名二精一名血參如人形者有神味甘微寒微溫無毒主五臟氣不足勞傷虛損久服輕身延年

天門冬



天門冬生奉高山谷今處處有之春生藤蔓大如釵股高至丈餘葉如荷香極尖細而踈滑有逆刺亦有澁而無刺者其葉如絲杉而細散皆名天門冬夏生白花亦有黃色者秋結黑子在其根枝傍入伏後無花暗結子其根白或黃紫色大如手指長二三寸大者爲勝洛中出者葉大幹愈嶺南者無花一名靡一名豐冬一名顛棘在東嶽名淫羊藿在中嶽名天門冬在西嶽名管松在北嶽名無不愈在南嶽名百部在京陸山阜名顛棘在北嶽地陰者尤佳味苦甘平大寒無毒主暴風濕偏痺強骨髓

定肺氣利小便久服延年

草 丑



甘草

甘草生西川谷積沙山及上郡今陝西河東州郡皆有之
春生青苗高一二尺葉如槐葉七月開紫花似柰冬結子
作角子如畢豆根長者三四尺皮赤上有橫梁梁下皆細
根也二月八月除日採根蒸乾十日成去蘆頭及赤皮陰
乾用有數種以堅實斷理者為佳其輕虛縱理及細韌者
不堪一名蜜甘一名炙草一名蜜草一名露草味甘平解
諸藥毒調和使諸藥有功故號國老補勞傷益精養氣壯
筋骨解冷熱入藥多用

地黄



地黃生咸陽川澤黃土地者佳今處處有之以同川爲上
二月生葉布地便出似車前葉上有皺文而不光高者及
尺餘低者三四寸其花似油麻花而紅紫色亦有黃花者
其實作片如蓮翹子甚細而褐色根如人手指通黃色麓
細長短不常二月八月採根蒸三一日令爛暴乾謂之熟
地黃陰乾者是生地黃又醫家欲辨精粗初採得以水浸
有浮者名大黃不堪用半沉者名人黃爲次其沉者爲地
黃最佳一名地髓一名芊一名芭治驚悸勞損吐血鼻衄
婦人崩中血暈日乾者平火乾者溫忌鐵器

木



木生鄭山山谷漢中南鄭今處處有之以高山茅山者爲
佳春生苗青色無極一名山薊以其葉似薊也莖作蒿幹
狀青赤色長二三尺以來夏開花紫碧色亦似刺薊花或
有黃白花者入伏後結子至秋而苗枯根似薑而傍有細
根皮黑心黃白色中有膏液紫色二月三月八月九月採
暴乾乾濕並通用今八月採之一名山薑一名山連味苦
甘溫主一切風疾勞傷冷氣腹脹補腰膝消痰治水氣利
小便止反胃嘔逆及筋骨軟弱用米泔浸一宿用

菟 絲 子



菟絲子生朝鮮川澤田野以宛何者爲勝夏生苗如絲絲
蔓延草木之上或云無根假氣而生六七月結實極細如
蠶子土黃色九月收採暴乾得酒良其實有二種色黃而
細者名赤綱色淺而大者名菟纍其功用並同唐蒙女蘿
菟絲釋曰唐也蒙也女蘿也菟絲也一物四名而本經并
以唐蒙爲一名又詩毛傳云女蘿菟絲也而本經菟絲無
女蘿之名別有松蘿條一名女蘿自是水類寄生松上者
豈二物同名乎一名菟蘿一名菟縷一名唐蒙一名玉女
一名赤綱

一名菟纍味辛甘平無毒主續絕傷補不足主
絲莖中寒情自出溺有餘瀝口苦燥渴寒血爲積

膝

牛



牛膝

牛膝生河內川谷及臨朐今江淮閩粵關中亦有之然不及懷州者爲真春生苗莖高二三尺青紫色有節如鶴膝又如牛膝狀以此名之葉尖圓如是兩兩相對於節上生花作穗秋結實甚細此有二種莖紫節大者爲雄青細者爲雌二月八月十月採根陰乾根極長大而柔潤者佳莖葉亦可單用一名百倍味苦酸平無毒主寒濕痿痺四肢拘攣膝痛不可屈伸補中續絕除腦中痛及腰脊痛婦人月水不通

芫 蔚 子



芫蔚子

芫蔚子生海濱池澤今處處有之謹按毛詩云中國有葍
郭璞云今芫蔚子似葍方莖白華華生節間陸機云韓詩
及二蒼皆云葍益母也故曾子見之感息劉歆亦謂葍臭
穢臭穢卽芫蔚也今園圃及田野見者極多形皆如郭說
而苗葉上節節生花實似雞冠子黑色莖作四方稜五月
採又云九月採實醫方中稀見用實者一名益母一名益
明一名大札一名真蔚味辛其微溫微寒無毒主明目益
精除水氣療血逆大熱頭痛心煩

茉莉



三才圖會卷之五

五


五

三才圖會卷之草木一
十一
姜蕤

姜蕤生泰山山谷丘陵滁州舒州及漢中皆有之葉狹而長表白裏青亦類黃精莖幹強直似竹箭幹有節根黃多鬚大如指長一二尺或云可噉三月開青花結圓實立春後採根陰乾用之本經與女萎同條云是一物二各一名
蕤一名地節一名玉竹一名馬薰味甘平無毒除煩悶止渴潤心肺補勞傷虛損腰脚疼痛

葵

防




防葵

防葵生臨淄川谷及嵩高少室泰山今惟出襄陽諸郡不聞有之其葉似葵每莖三葉一本上數莖中發一幹其端開花如蔥花而色白根似防風香味亦如之依時採者乃沉水陶隱居云與狼毒同根但置水不沉耳三月三日採六月開花即結實採根爲藥一名梨蓋一名房慈一名爵離一名農果一名利茹一名方蓋味甘苦寒無毒王疝痕腸洩膀胱熱結癩癩驚邪狂走

胡

栗



柴胡

柴胡生洪農山谷及宛句今關陝江湖間近道皆有之以銀州者爲勝二月生苗甚香莖青紫葉似竹葉稍繁亦有似邪蒿亦有似麥門冬而短者七月開黃花生丹州結青子與他處者不類根赤色似前胡而強蘆頭有赤毛如鼠尾獨窠長者好二月八月採根暴乾一各地蕪一名山菜一名茹草葉一名芸蒿味苦平微寒無毒主心腹去腸胃結氣飲食積聚寒熱邪氣除傷寒心下煩熱諸疾熱結及濕痺拘攣亦可作浴湯

麥門冬



麥門冬

麥門冬生函谷川谷及坻坂肥土石間久廢處今所在有之葉青似沙草長及尺餘四季不凋根黃白色有鬚根作連珠形似穉麥顆故名麥門冬四月開淡紅花如紅蓼花實碧而圓如珠江南出者葉大者苗如鹿蔥小者如韭大小有三四種功用相似或云吳地尤勝二月三月八月十月採秦名羊韭齊名愛韭楚名馬韭越名羊著一名禹葭一名禹餘糧味甘平微寒無毒治勞傷安魂定魄止渴肥人時疾熱狂頭痛止嗽

獨活 羌活



獨活羌活出雍州川谷或隴西南安蜀漢出者佳春生苗
葉如青麻六月開花作叢或黃或紫結實時葉黃者是夾
石上生葉青者是土脉中生此草得風不搖無風自動故
一名獨搖草二月八月採根暴乾用本經云二物同一類
今人以紫色而節密者爲羌活黃色而作塊者爲獨活一
說獨活生西川益州北部色微白形虛大用與羌活相似
一名羌青一名護羌使者一名胡王使者味甘平微溫無
毒治一切風筋骨拳攣四肢羸劣頭旋明目赤疼勞傷虛
損冷氣

麻 升



三才圖會卷之廿四木一


升

升麻

升麻生益州川谷今蜀漢陝西淮南州郡皆有之以蜀川者爲勝春生苗高三尺以來葉似麻葉並青色四月五月著花似粟穗白色六月以後結實黑色根紫如蒿根多鬚二月八月採日暴乾一名周麻味甘苦平微寒無毒玉解百毒百邪鬼魅遊風熱腫毒喉痛口瘡

車前子

二十四圖 卷之二 下



車前子生真定平澤丘陵道路中今江湖淮甸近京北地
處處有之春初生葉邱地如匙面累年者長及尺餘如鼠
尾花甚細青色微赤結實如葶藶赤黑色五月五日採陰
乾今人五月採苗七月八月採實人家園圃中或種之蜀
中尤尚北人取根日乾作紫苑實之甚誤所用謹按周南
詩云采采芣苢爾雅云芣苢馬舄馬舄車前郭璞云今車
前草大葉當道長穗好生道邊江東呼爲蝦蟆衣陸機云
馬舄一名車前一各當道喜在牛跡中生故幽州人謂之
牛舌草味寒無毒利小水除濕痺明目療赤痛

木香



木香

木香永昌山谷今惟廣州舶上有來者他無所出陶隱居云卽青木香也根窠大類茄子葉似羊蹄而長大花如菊實黃黑亦有葉如山芋而開紫花者不拘時月採根芽爲藥以其形如枯骨者良江淮間亦有此種名土青木香不堪入藥用僞蜀王和苑中亦嘗種之云苗高三四尺葉長八九寸皺軟而有毛開黃花恐亦是土木香種也一名密香味辛溫無毒治心腹一切諸氣霍亂痢疾安胎健脾胃食療羸劣膀胱冷痛嘔逆反胃

蕓

薯



薯蕷

薯蕷生嵩高山谷今處處有之以北都四明者爲佳春生
苗莖紫葉青有二尖角似牽牛更厚而光澤夏開細白花
大類東花秋生實於葉間狀如鈴二月八月採根今人冬
春採刮之白色者爲上青黑者不堪暴乾用之南中有一
種生山中根細如指極賤實刮磨入湯煮之作塊不散殊
更珍美一名山芋秦楚名玉延鄭趙名土藟味甘温無毒
助五臟強筋骨長志安神王泄精健忘

澤瀉



澤瀉

澤瀉生汝南池澤今山東河陝江淮亦有之以漢中者爲
佳春生苗多在淺水中葉似牛舌獨莖而長秋末採暴乾
用此物極易朽蠹常須密藏之漢中出者形大而長尾間
有兩岐最佳爾雅謂之漚一名蔦一名水瀉一名及瀉一
名芑芩一名鵠瀉味甘寒無毒主腎虛精自出治五淋利
膀胱熱宣通水道

丹参



丹參

丹參生桐栢山川谷及泰山今陝西河東州郡及隨州亦有之二月生苗高一尺許莖幹方稜青色葉生相對如薄荷而有毛三月開花紅紫色似蘇花根赤大如指長一尺餘一苗數根五月採暴乾又云冬月採者良夏月採者虛惡一名却蟬草一名赤參一名木羊乳味苦微寒無毒王心腹邪氣腸鳴幽幽如走水腰脊強脚痺除風邪皆熱火服利人

連志



遠志

遠志生泰山及句容川谷今河陝京西州郡亦有之根黃
色形如高根苗各小草似麻黃而青又如華豆葉亦有似
大青而小者三月開花白色根長及一尺四月採根葉陰
乾用泗川出者花紅根葉俱大於它處商州者根又黑色
俗傳夷門遠志最佳古本通用遠志小草今醫但用遠志
稀用小草一名棘菀一名萋繞一名細草味苦溫無毒治
心神健忘安魂魄令人不迷堅壯陽道主夢邪

龍膽草



龍膽草

龍膽草生齊胸山谷及冤句今近道亦有之宿根黃白色
下抽根十餘本類牛膝直上生苗高尺餘四月生葉而細
莖如小竹枝七月開花如牽牛花作鈴鐸形青碧色冬後
結子苗便枯二月八月十一月十二月採根陰乾一名陵
游味苦大寒無毒治客忤痺氣熱病狂語及瘡疥明日止
煩

細辛



細辛

細辛生葉山山谷今處處有之其根細而其味極辛故名

之曰細辛二月八月採根

或謂杜衡非也杜衡

宿根上生苗葉似馬

蹄形狀高二三寸莖如麥藁麓細每一名小辛味辛無毒

治咳逆上氣頭風手足急拘去皮風濕癢能止眼風除齒

痛主婦人血瀝腰痛

石斛



石斛生六安山谷水傍石上今荊州廣州郡及溫合州亦有之以廣南者爲佳多在山谷中五月生苗莖似竹節節間出碎葉七月開花十月結實其根細長黃色七月八月採莖以桑灰湯沃之色如金陰乾用或云以酒洗將蒸九成不用灰湯其江南生者有二種一種似大麥累累相連頭生一葉名參斛一種大如雀髀名雀髀斛惟生石上者勝亦有生櫟木上者名木斛不堪用一名林蘭一名禁生一名杜蘭一名石遂味甘無毒治男子腰脚軟弱健陽逐肌皮風痺骨中久冷虛損補腎續精

巴戟



巴戟天生巴郡及下邳山谷今江淮河東州郡亦有之皆不及蜀州者佳葉似茗經冬不枯俗名三蔓草又名不凋草多生竹林內內地生者葉似麥門冬而厚大至秋結實二月八月採根陰乾有宿根者青色嫩根者白色用之皆同以連珠肉厚者勝又有一種山律根正似巴戟土人以醋水煮之乃紫以雜巴戟莫能辨也但擊破視之其中紫而鮮潔者偽也真者擊破其中雖紫又有微白參如粉色理小暗也一名穀菜一名白草味辛甘微溫無毒主大風邪氣陰癰不起療頭面遊風小腹及陰

中相引痛下氣補五勞益精利男子


白蒿



白蒿蓬蒿也生中山川澤所在有之春初最先諸草而生似青蒿而葉麤上有白毛錯澁從初生至枯白於衆蒿頗似細艾二月採此爾雅所謂繁縷蒿是也春始生及秋香美可生食又可蒸一名游胡北海人謂之旁勃又有馬先蒿生南陽川澤葉如益母草花紅白八九月有實俗謂之虎麻亦名馬新蒿又有角蒿葉似白蒿花如瞿麥紅赤可愛子似王不留行黑色作角七八月採又有茵陳蒿草蒿味甘平無毒王風寒濕痺補中益氣長毛髮令黑

箭

赤



赤箭

赤箭生陳倉川谷雍州及泰山少室今江湖亦有之然不
中藥用其苗獨莖如箭籜葉生其端四月開花籜葉俱赤
實似枯苦楝子核作五六稜中有肉如麩其根大類天門
冬惟無心脉耳去根五六寸有十餘子爲衛似芋三月四
月採苗七月八月九月採根一名獨搖一名離母一名鬼
督郵味辛温去蠱毒惡氣消癰腫

菴藟子



菴藺子

菴藺子生雍州川谷及上黨道邊今江淮亦有之春生苗
葉如艾蒿高三二尺七月開花八月結實十月採實陰乾
今人通以九月採江南人家多種此辟蛇味苦微寒無毒
主五臟疼血腹中水氣風寒濕痺身體諸痛婦人月水不
通消食明目

芥 蕒 子



三才圖會卷之第木一

廿一

荇葇子

荇葇子生咸陽川澤及道旁處處有之爾雅云荇葇大荇也郭璞云似荇細葉俗呼之曰老荇味辛陳藏器云大荇當是葇蔕非荇葇荇葇大而扁葇蔕細而圓二物殊也而爾雅自有葇蔕謂之葇庄云實葉皆似艾一名狗荇又抵二物皆荇類故人多不能細分乃爾致疑也四月五月採暴乾古今眼目方中多用之一名茂荇一名大戟一名馬辛一名大荇味辛微温無毒王明目除痺療心腹腰痛


實 著



蒼實

蒼實生少室山谷今蔡州上蔡縣白龜祠旁生如蒿作叢高五六尺一本一二十莖至多者三五十莖生便條直所以異於衆蒿也秋後有花出於枝端紅紫色形如菊八月九月採其實暴乾入藥其莖爲筮以問鬼神知吉凶褚先生曰蒼蒲百莖者其下必有神龜守之其上常有青雲覆之傳曰天下和平王道得而蒼莖長丈叢生蒲百莖味苦酸平無毒主益氣明目

栢 卷



卷栢

卷栢生常山山谷間今關陝沂兗諸州亦有之宿根紫色
多鬚春生苗似栢葉而細碎拳攣如雞足青黃色高三五
寸無花子多生石上五月七月採陰乾去下近石有沙土
處用之一名萬歲一名豹足一名求股一名交時味辛甘
溫平微寒無毒鎮心除面疔頭風暖水臙生用破血灸用
止血

藍實



藍實生河內平澤今處處有之三月四月生苗高三二尺許葉似水蓼花紅白色實亦若蓼子而大黑色五月六月採實按藍有數種有水藍出嶺南不入藥有菘藍可以爲澱者亦名馬藍爾雅所謂葍馬藍是也有蓼藍但可染碧不堪作澱即醫方所用者也又福州有一種馬藍四時俱有葉類苦益菜土人連根採之焙擣下酒內服治婦人敗血甚佳又江寧有一種吳藍二三月內生如蒿狀葉青花白古方多用吳藍者或恐是此味苦寒無毒王斛諸毒其莖葉可以染青

蕨


芋



芫薺

芫薺生武功山谷利谷西嶺靡蕪芫薺苗也生維州川澤及寬甸今關陝蜀州江東山中多有之而以蜀川者爲勝其苗四五月間生葉似芹胡荽蛇牀老作叢而莖細其葉倍香或蒔於園庭則芬馨滿徑江東蜀州人採其葉作飲香云可以已泄瀉七八月開白花根堅瘦黃黑色三月四月採暴乾形塊重實作雀腦狀者謂之雀腦芫此最有力一名胡窮一名香果味辛溫無毒主中風入腦頭痛寒痺筋攣緩急金瘡婦人血閉無子

連 黃



黃連

黃連生巫陽川谷及蜀郡泰山今江湖荆夔州郡亦有而
以宣城者爲勝施黔者爲次之苗高一尺已來葉似甘菊
四月開花黃色六月結實似芹子色亦黃二月八月採根
用生江左者根若連珠其苗經冬不凋葉如小燧尾草正
月開花作細穗淡白微黃色六七月根繁始堪採一名王
連味苦微寒無毒主熱氣目痛背傷泣出腸澼腹痛下痢
婦人陰中腫痛調胃厚腸益膽療口瘡

石

絡



絡石生泰山川谷味苦溫微寒無毒治喉痺葉圓如細橘
正青冬夏不凋其莖蔓延莖節著處即生根鬚包絡石上
以此得名花白子黑六月七月採莖葉日乾以石上生者
良其在水上者隨本性而移薜荔木蓮地錦石血皆其類
也薜荔與此極相類但莖葉龐大如藤狀用其葉治背癰
乾末服之下利即愈木蓮更大如絡石其實若連房能壯
陽道尤勝地錦如葉鴨掌蔓延地上隨節有根亦綠木石上
石血亦與絡石相類但葉頭尖而赤耳一名石鯨一名石
蹉一名畧石一名明石一名領石一名懸石

子 藜 蒺



二才圖名之草才一
蒺藜子生馮翊平澤或道旁七月八月採實暴乾郭璞注
爾雅云布地蔓生細葉子有三角刺人又一種白蒺藜生
同州沙苑牧馬草地綠葉細蔓綿布沙上七月開花黃紫
色如豌豆花而小九月結實作莢子便可採其實味甘而
微腥褐綠色與蚕種子相類而差大又與馬藻子酷相類
一名旁通一名屈人一名止行一名材羽一名升推一名
蒺藜一名茨生味苦辛溫微寒無毒治賁狹腎氣肺氣胃
膈滿催生墮胎益精療腫毒及水臌冷小便多止遺癰遺
精溺血炒去刺用

黄 耆



黃耆生蜀郡山谷白水漢中今河東陝西州郡多有之根長二三尺已來獨莖葉生枝幹去地二三寸其葉扶踈作羊齒狀又如蒺藜苗七月中開黃紫花其實作莢子長寸許八月中採根用其皮折之如綿謂之綿黃耆然有數種有白水耆有赤水耆有木耆功用並同而力不及白水耆木耆短而理橫一名戴椹一名獨椹一名芟草一名蜀脂一名百本味甘微溫無毒助氣壯筋骨長肉補血主癰疽久敗瘡排膿止痛大風癩瘡五痔補虛損五勞止渴腹痛


洩痢

肉蓯蓉



肉菘容生河西山谷及代郡鴈門陝西州郡多有之然不及西羗界中來者肉厚而力緊皮如松子有鱗甲苗下有一細扁根長尺餘三月採根採時掘取中央好者以繩穿陰乾至八月乃堪用西人多用作食品合山芋羊肉作羹極美好益人食之勝服補藥又有一種草菘蓉極相類但根短莖圓紫色功力殊劣又一種生山南巖石上如藕根初生掘取陰乾亦名菘容味甘酸鹹微溫無毒主勞傷補中益精氣多于婦人癥瘕除膀胱邪氣腰痛止痢

防風



防風

防風生沙苑川澤及邯鄲上蔡今京東淮浙州郡皆有之
根土黃色與蜀葵相類莖葉俱青綠色莖深而葉淡似青
蒿而短小初時嫩紫作菜茹極爽口一名銅芸一名茴草
一名屏風一名藺根一名百蜚味甘辛溫無毒主大風頭
眩目盲無所見風行周身骨節疼四肢拘攣金瘡內瘰

蒲黃



蒲黃

蒲黃生河東池澤香蒲蒲黃苗也生南海池澤今處處有之而秦州者良春初生嫩葉未出水時紅白色至夏抽梗於叢葉中花抱梗端如武士捧杵故俚俗謂蒲槌花黃即花中藥屑也細若金粉當其欲開時有便取之市廛間亦採以蜜搜作果食貨賣其益小兒醫家又取其粉下篩後有赤滓謂之蒲葶入藥以瀉腸已洩殊勝味甘平無毒主心腹膀胱寒熱利小便止血消瘀血

續斷



續斷生常山山谷陝西河中興元府舒越晉州亦有之三月已後生苗幹四稜似芎麻葉亦類之兩兩相對而生四月開花紅白色似益母花根如大薊赤黃色七月八月採謹按范汪方云續斷即是馬薊與小薊菜相似但大於小薊耳葉似芎翁菜而小厚兩邊有刺刺人其花紫色與今越州生者相類而市之貨者亦有數種少能辨其麤良醫人用之但以節節斷皮黃皺者爲真一名龍豆一名屬折一名接骨一名南草一名槐味苦辛微溫無毒主傷寒補不足折跌續筋骨婦人乳難崩中漏血

盧 涌



漏蘆生喬山山谷味苦大寒無毒主皮膚熱惡瘡濕痺莖
葉似白蒿有英花黃生英端莖若筋大其子作房七八月
後皆黑異於衆草單州者差相類沂州者花葉頗似牡丹
秦州者花似單葉寒菊紫色五七枝同一藪海州者花紫
碧如單葉蓮花花萼下及根旁白茸裹之根黑色如蔓菁
而細惟單州出者爲勝又有飛蕪生河內川澤一名漏蘆
葉下附莖有皮起似箭羽花紫色又有一種生山崗上葉
頗相似根直下更傍枝生則肉白皮黑中有黑脉日乾則
黑如玄參蘇恭云用莖葉及療痺蝕殺蟲有驗一名野蘭